



Page: 1

Reach: 50000

Country: BOSNIA AND HERZEGOVINA

Size: 660 cm2

1 / 2

Afera: SIPA izuzela dokumente iz NSBiH



**KAKO JE TROŠEN
NOVAC NA SP-U
U BRAZILU**

56. strana



AFERE Inspektori Državne agencije ušli u Nogometni savez BiH

SIPA provjerava troškove odlaska na SP u Brazilu

Prema informacijama FTV-a, istražitelji su posebno zainteresirani za fakture i ugovore koje je Savez sklapao s Turističkom agencijom „Centrotours”

Državna agencija za istrage i zaštitu (SIPA) po nalogu Tužilaštva BiH izuzima dokumentaciju iz Nogometnog saveza BiH - potvrdila je „Dnevnom avazu” Kristina Jozić, portparol SIPA-e.

- Agencija trenutno postupa po zahtjevima Tužilaštva BiH, a koji se odnose na vršenje određenih provjera i prikupljanje dokumentacije - kazala je Jozić.

Istraga o ugovorima

U SIPA-i nisu mogli govoriti o detaljima provjera koje vrše njihovi inspektori, a prema informacijama koje je prenijela Federalna televizija, istražitelji su zainteresirani za aranžmane Saveza sklapane s različitim agencijama i preduzećima u vezi s putovanjem igrača i zvaničnika Saveza na Svjetsko nogometno prvenstvo u Brazilu prošle godine.

Isti izvor je naveo da je ovo treći put u posljednjih

nekoliko mjeseci da inspektori SIPA-e ulaze u prostorije Nogometnog sa-

veza kako bi upotunili istragu vezanu za ugovore o poslovanju i sponzorstvima ove nogometne asocijacije.

Dvostruko skuplje

Prema informacijama FTV-a, istražitelji su posebno zainteresirani za fakture i ugovore koje je Savez sklapao s Turističkom agencijom „Centrotours”.

Prvenstveno, kako tvrde, zbog toga što su inspektori SIPA-e u nekoliko navrata tražili da im se dostave svi ti dokumenti, a Savez je to ignorirao.

Stoga je SIPA uz nalog

tužilaštva prije nekoliko dana ušla u prostorije Saveza i izuzela svu dokumentaciju vezanu za ovu turističku agenciju.

Sumnja se, kako navodi FTV, da je riječ o fakturama za avionske letove ili hotelski smještaj koje su, navodno, višestruko uvećavane. Pod posebnom lupom istražitelja su fakture koje su

Napuhane cijene karata

Na osnovu izuzete dokumentacije pokušat će se istražiti i istinitost navoda o napuhanim cijenama avionskih karata za članike Saveza, članove Stručnog štaba i reprezen-

tativce BiH, posebno karte koje su kupovane za let iz Sjedinjenih Američkih Država. U toj državi reprezentativci BiH su bili na pripremama uoči odlaska u Brazil.

Anonimne prijave

Inače, iz SIPA-e su potvrdili da su i ranijih godina u više navrata postupali po anonimnim prijavama te zahtjevima i naredbama Tužilaštva BiH, koji se odnose na provjere poslovanja u Nogometnom savezu BiH.

O svim preduzetim mjerama i radnjama SIPA je Tužilaštvu BiH i Sudu BiH dostavila odgovarajuće izvještaje koji su rezultirali podizanjem optužnica i pravosnažnim presudama Suda BiH - rečeno je „Avazu” u SIPA-i.

I iznosi na tim fakturama, kako se sumnja, najmanje dvostruko su uvećavani od uobičajenih. S. D.

Baković: Dokumentacija je predata

Generalni sekretar Nogometnog saveza BiH Jasin Baković rekao nam je da će se Savez oglašiti prigodnim saopćenjem sa odgovarajućim činjenicama, ali je u kratkoj izjavi za „Dnevni avaz” rekao:

- Savez je nadležnim organima blagovremeno dostavio sve informacije i relevantnu dokumentaciju iz kojih se mogu utvrditi činjenice u vezi s putovanjem u Brazil i ostalim aktivnostima Saveza. Dakle, dokumentacija nije izuzeta, nego je uredno uručena. Nemamo razloga bilo šta tajiti, jer radimo transparentno. Prema našim saznanjima, radi se o anonimnoj prijavi - rekao je Baković. M. T.

BEGIĆ: Savez ignorirao SIPA-u

JOZIĆ: Nalog Tužilaštva BiH

Nogometni savez BiH: Treći put izuzeta dokumentacija